



# JERIKO AṬANGA TLÂN CHHUAK!

**CHÂNGVAWN:** “ ‘A lalram leh A felna chu zawng hmasa ula, tichuan hêng thil zawng zawng hi A pêk belhchhah dâwn che u nia’ ” (Matthaia 6:33, NIV).

**Chhiar Tûr:** Joshua 2; *Thlahtubulte leh Zâwlneite*, pp. 579–582, 591.

**Thúchàh:** Kan kohhran chhûngte nên thil pawimawh chu enge tih ngaithlân kan zir tlâng thîn.

**N**ATASHA-i chu blanket-a khuh dawhkân hnuaiah a thû a. Thinga a bâwm an siam chhûnga awm typewriter hlui takin thil a chhû a. Chutianga blanket hmanga a inkhuh tlat avâng chuan a thil chhut rî chu pâwn lama ri chhuak vak lo tûrin a ring a ni.

Engati nge chutianga a tih nia in rin? Kristian lehkhabu rêng rêng neih phal lohna ramah a chêng a. Mahse Isuâ chanchin lam chuânna lehkhabute chu Natasha-i leh Kristian dangte tân chuan a hlu hlê sí a. Chuvâng chuan mîten Isuâ chanchin an lo zir vê theih nân tiin, eng pawh huâmin Kristian lehkhabu chu a chhu chhâwng a ni.

Ni khat chuan puliste hian Natasha-ite kawngkâ chu an rawn kik dawt dawt a. Amah chu manin, an hruai bo ta daih mai a ni.

Hmânlai hunah pawh khân Jeriko khawpuia puliste chuan mi pahnih, Pathian tâna thawktûte hi man an tum a. A chanchin chu hetiang hi a ni:

**L**INTHLATÛTEN report zâmawm tak an rawn thlen aṭang khân kum 40 vêl lai a liam leh tawh a. Kaleba anga Ram Tiam an va thlithlâi chungchâng report tha tak petu tlangvâl Joshua kha tûnah chuan Israelte hruaitu ber a ni ta bawh a. Mipuite rilrû chawhphûr dân kawng hi a la zawng zui zêl a. Mosia hova a hmâ daiha an tih ang khân, Joshua chuan Ram Tiâm enthlatu tûr mi pahnih a tîr a. An hnênah chuan, “Kal ta ula, ram chu va thlithlai rawh u, a bîkin Jeriko khawpui phei chu chîk lehzual ang che u,” tiin a chah a.

Tichuan chû khawpui ropui tak chhûngah chuan a rûkin an lût thei ta mai a. Chumi zân chuan khawpui kùlh bang sâng tak chung a sak in chhûngah an lût a. Kawngkâ an kik dat dat chu, chû ina chêng Rahab-i chuan a lo chhâwn a. Israel mî an ni tih chu a hre nân, in chhûnga lût tûr chuan a sâwm ta tho a ni.





Chû khawpui chêng zawn zawn chuan Israelte chanchin chu an hre tlâng hlê mai a, Rahab-i pawhin a hre vê hlê bawk a. Indonaah rêng rêng LALPA chuan Israelte lamah tângin A dopui thîn a ni tih an hre Chiang êm êm a. Chuvang chuan Jeriko khaw lalber leh a sipaite pawh chuan an hlâu vin, an zâm êm êm a. Rahab-i chuan an khaw pulis leh sipaite hnênah chuan eng mah report lo vin, chûng enthlatûte chu thukhawchâng a sawipui a. Chumi zawhah chuan chûng mi pahnihte chu in chung lama ziza (jute) zîngah chuan a bihrûktîr ta thuai a.

Chûveleh lal sipai rual chuan Rahab-ite chênna in kawngkâ chu an rawn kik ta dawt dawt mai a. Rahab-i chuan kawngkâ chu a hawng a. Sipaite chuan, “Kan khua rawn enthla tûra lo kalte kha rawn chhuahfîr vat rawh,” tiin an tawn têng chhur mai a.

Rahab-i chuan an hnênah, “Chûng mîte chuan ni chin deuh lawk khân min chhuahsan leh tawh a lâwm. Ûm zui thuai ulang, in la man hmang mai ang,” tiin dâwt a hrilh a. Sipaihote chuan rang takin enthlatute man tum chuan an ùmzui nghâl thuai a. Kulh kawngkâ pawh chu an khân zui nghâl bawk a. Zân thim a nih avângin mu tûrin an châwl ta rih a.

Thâwm a reh ta tih a hriat vêleh, Rahab-i chu in chung lamah chuan thâwm dîm takin a lâwn chho va. Enthlatûte hnênah chuan, “LALPA chuan hê khawpui hi in kùtah A pe tawh tih Chiang takin ka hria a ni. In tâna Tuipui Sen A tih kang dân te kan hria a. Mî tin thinlung hi a zâm chhe zo vek tawhin, a tui zo tawh a ni ber mai. Hei in chung a ngilneihna kan lantîr hi in hria a. Nangnî pawhin ka chhûngte chung a ngilneihna in lantîr vê dân tûr chhinchhiaha min pe teh u,” tiin a ngên a.

Anni chuan, “Kan chung a i thiltih hi midangte hnêna i hrilh loh phawt chuan, LALPAN hê ram hi min pêk hunah chuan kan chhanhim ngêi ngêi ang che u. In nûnna âiah kan nunna kan thâp ang,” tiin an tiâm a.

Tichuan Israel enthlatute chu tukverha an uaithlâk theihna tûrin Rahab-i chuan hrui zên sen chu a lâ a. Annî chuan, “Tukverha kan uaithlâk hnêah pawh, hê hrui hi lo uaitîr zui zêl ang che. Khawpui chu kan rawn beih hunah chuan, nangmah leh i chhûngte, i hnêna lo awm zawn zawn chu kan chhanhim ang che u. Mahse tukverha hrui zên sen uaitîr hi theihngilh hlek suh ang che,” tiin an chah nawn mawlh mawlh a.

Rahab-i chuan enthlatûte hruizêna an uaithla lai chu a en zui reng a, tichuan thim zînga an kal chu a hmu zui thei ta lo va. Uluk fahran hian chu hrui chu an tukverh kawngkâ chuan a suih nghet ta tlat a. A thinlung chhûngah chuan thil pawimawh tak eng maw chu a hmûchhuak ta tih inhriatna a nei a. Chû chu: Israelte Pathian chu Pathian dik a ni tih a ni. Chuta chîn chu amâ Pathian pawh a lo ni ve zêl dâwn ta a ni.

## TÌHTÛR

### Sabbath Chàwnû

- In chhûngte nênh khawî lai ramhnuai hmun remchâng laiah emaw lêng chhuak ula, chutah chuan in Bible zirlai hi in chhiar ho dâwn nia. Jeriko khaw pulis ruâlin man tuma zawng chu u angin ngaihruat ula, khawî hmunah nge in bihrûk ang? Kristian an nih avânga bihrûk ngaite tân ãawngtaisak nghâl ang che u.
- *Matthaia 6:33* kêuvîn in chhiar dâwn nia. Hê châng thu awmzia hi enge ni sawi teh u.

### Sunday

- Chhûng inkhâwm in neihnaah, *Joshua 2:1-11* chhiar ula. Thil pawimawh tak Rahab-in a hmuhchhuah tâk chu enge nia in rin?
- In chângvawn leh Bible châng ziah len theihna tûr khawpa tam lehkhain lehrawhchan lem siam ula, chutah chuan chângvawn thumal tin leh Bible châng chu in ziaik dâwn nia. In ziah zawh hunah thawmhnaaw khâina (hanger) ah in châr bet ang a, kêr tluâna in hmuh theihna tûr remchâng laiah in khâi dâwn nia.
- “I Have Decided to Follow Jesus” (No. 3) tih hlâ kha hlim takin in saho dâwn nia. Isua in zui zêl theihna tûra A ãanpuina dîlin ãawngtai ang che u.

### Thàwhãannî

- In chhûngte nênh, *Joshua 2:12-24* chhiar ho ula. Hêng Bible châng aãang hian eng thil tharte nge in zir chhuah chu hetah hian ziaik ang che u: \_\_\_\_\_.
- Rahabi leh enthlatûte lem chu han ziaik teh u.
- Nimin lama lehkha thema chângvawn in ziah tâk kha hmangin in chhûngte hnênah in chângvawn chu zirtîr teh u.
- “Following Jesus” (No. 10) tih hlâ saho ula, tichuan in ãawngtai dâwn nia.

### Thàwhlêhnî

- In chhûngkaw worship neihnaah, in chhûng zînga puitling tû emaw chu Pathian hniakhnung an zui hmâ leh an zui tâk hnû nun danglam dân sawi tûrin sâwm ang che u. Kohhran zâra Pathian chanchin an lo hriat tâk dân pawh zâwt ula. An nunah eng thil nge pawimawh ber tih pawh sawitîr ngêi ang che u. A huhovin *Jeremia 29:13* in chhiar tlâng dâwn nia.
- Engtin nge Pathian chu zîngah te, chhûnah te, zân mut hunah te pawh ngaih pawimawh berah in neih theih ang? Amah chu thupui bera in neih zêl theih nân Pathian ãanpuina dîl ang che u.
- In chhûngkuain “Seek Ye First” (No. 40) tih hlâ kha thinlung takin saho ang che u.

### Nîlâinî

- In chhûngte hnênah Rahabi chanchin kha hrilh teh u. Engtin nge Pathian chu ngaih pawimawh ber tûr a ni tih Rahabin a hria tih kan hriat theih? *Joshua 2:9* chhiar ula.
- Pawisa i hlawh chhuah chângin, engtin nge Pathian i ngaih pawimawhzia inlantîr ãhin? A dik chu thâi ula:  
\_\_\_ Sâwmapakhat i pe nghâl thuai ãhin.  
\_\_\_ Thawhlawm i thawh ãhin.  
\_\_\_ Fing taka hmang tûra Pathian ãanpuina i dîl.  
\_\_\_ Pawisa chu i dah ãha nghâl hmiah.
- Pawisa nâwi inang hlîr sâwm remin, chûng zînga a sâwmna chu la chhuak ula. Thawhlawm atân eng zât nge in pêk ang?
- Pathianin malsâwmna A vûr che u avângin lâwmthu sawi teh u.

### Nîngãnî

- In chhûngkaw worship-naah *Matthaia 1:5* chhiar ho teh u. Rahabi kha tû pî nge ni? Tû tân nge pî a la nih chhâwn tâk zêl? Hê bunga târlan thlahchhâwng hi en vek ula, tû hming nge a tâwp berah lo lang? In thlahtûte eng chen nge in chhui lêt theih?

- In chângvawn kha thiam takin han sawi teh u.
- In pindan chhûnga lehkhabu leh inawmlemna thilte kha en vêl ula, Pathian chu pawimawh berah in nei ni âwmin a lang thei a ngem? Chutiang a nih theih nân engtin nge tan in lâk ang?
- “I’ll Be True” (No. 37) kha ãwngtai hmâin thiam takin han saho teh u le.

**Zirtâwpnî**

- In chhûngkaw worship-naah, Jeriko khaw kulh lem siamin, Rahabi leh enthlatûte lemte pawh siam ula. Buhpâwl zîngah in buhrûktîr dâwn nia, a chanchin sawiin, kulh pâwn lamah in tlân chhuahtîr leh dâwn nia.
  - In chhûngte hnênah engtin nge Pathian chu an dah pawimawh ber zêl dân tûr sawitîr ang che u. *Sâm 122:1* chhiar ho ula.
  - In chângvawn khâi kha en leh ula, thiam nâl takin sawi rual ang che u.
- “Turn Your Eyes Upon Jesus” (No. 59) tih hlâ phûr takin saho ula, chutah Sabbath ni lo thleng tûr avângin Pathian hnênah lâwmthû in sawi nghâl dâwn nia.

# PUZZLE

**Puzzle 2**

**KAWHHMUHNA:** Kan thil zawn hmasak ber tûr chu engte nge tih hriat theih nân, a tlar hnuai bera thil lem leh hawrawp intluk tawn dân khu chîk taka enin, hetah thil lem chi hrang hrang chungah hian a tlukpui hawrawp chu ziaak zêl ang che u. **RIGHTEOUSNESS, KINGDOM** tih in hmuchhuak vê thei em?

